

近代中國史料叢刊第五輯

沈雲龍 主編

張文襄公（之洞）年譜

胡鈞撰

文海出版社印行

隨

文

龔

公

季

晉

介

季

胡

鈞

璽

編

張文襄公讚柔



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





## 重編張文襄公年譜凡例

一公年譜原有無錫許同莘君舊稿成於公薨後數年間許君從公久見聞親切纂錄事實必少舛誤不佞從事蒐輯殘稿不敢沒許君之勞故名重編

一許稿原分十卷茲改分六卷原卷起訖多不以年爲斷致一年事蹟離爲兩卷不合年譜體裁蓋許君當時主編全集附輯年譜故有此失且因此致每卷之量過失均衡如後數卷不及第一卷三分之一是也茲改六卷以救其失

一公全集久已風行海內非許君輯譜時比也十卷稿與本集有複述而少聯系茲於必須參照者注明見本集某卷以便互證

一茲編成稿距許君輯譜時已二十餘年其間耳目所及佚文遺事足錄者補輯之如公致王文敏懿榮函足證書日答問非繆代撰之類是也

一公自任疆吏後所有措施動關大計雖或志有餘而力不足或事多阻而功

未成均足參證當時政治之演變其次者亦足爲文獻之徵故不憚詳注俾後之君子有所考證焉

一公名重中外行實見於外籍者甚多故聯著西歷俾資參考

一此次殺青用聚珍板印行極少深懼紕繆闕失不足傳信也

耆舊長德辱賜糾正再板補改少彌闕失有厚幸焉

己卯春日沔陽胡 鈞識于北京

張文襄公年譜序

南皮張文襄公丁遜清末葉以一身之存亡繫天下之安危人皆知之至若矢抱冰握火之志持危扶顛之心冀挽虞淵之落日人或有所未知豈特未知而已異教之徒或揭藥非常異議可怪之論以抗之正學不明趨新者如鷺雖夙所煦育或中道而背之據政地者或自任私臆棄其言不用而播棄之而公經營八表挽回浩劫之一片苦心遂付諸無何有之鄉而等諸泡影矣公恐人有非薄名教之心也迪之以務本恐人無應敵制變之術也迪之以務通融和新奮一爐而冶之以開風氣以正人心應時所需莫急於此怵禍至之無日也又以同心救弊齊力捍患箴儆國人其思深其慮遠矣而恢詭傾危之流初則假託孔子改制亂名而改作次則比傳禮運大同用夷而變夏又次則空所依傍獨創新說力倡思想自由惑世而誣民邪說丕張塵垢海寓舉先聖先師維持世宙之大經大法掃蕩而無餘莘莘學子率喜其說之故誕新奇黃葦白茅從



風而靡而明學術造人才維國是之宏願竟不克如公所期而適得其反焉此則公之隱恨也庚子神拳之禍公力請痛剿以止外兵羣昏當國置若罔聞權力所及僅保東南半壁而已而未能止北方之亂此亦公之隱恨也方公入贊綸扉之時正值國事蝸蟪之會鐵路議起國有民有相持不決斷斷如也公曰固國本宜得民心民心離亂之階也宜熟慮之監國不從於是十餘年前公對粵漢川漢民有之苦心計畫一舉而推翻之而國脈斬矣廷議整頓海陸軍監國將以親貴領之公力持不可以謂軍事所關甚鉅宜擇知兵者任之豈可示天下以私監國亦不能用也公籌謀深遠意欲凝結垂渙之人心以冀稍延一綫之國脈而監國固欲促之奈之何哉奈之何哉此又公之隱恨死不瞑目者也公欲舉世同心心則死矣公欲舉世務本本則撥矣遂以釀成天下之大亂而不可止然後知救亡之論弭亂之策公早申徹國人而發之於三十餘年以前者也而惜乎公之學說國人未能盡喻也自公即世仁義充塞率獸食人國

不國矣而公言遂驗然則欲挽橫流舍公言其何以焉自是而後公之學說或庶幾爲國人所共信矣乎予持此議時與老友胡千之同年談及千之不予非也適千之撰公年譜成索予弁言予則舉平日所共談論者書諸首簡海內知言君子想不以予言爲河漢而無極耶己卯冬月門下士潛江甘鵬雲撰時年七十有八

--	--	--	--	--	--	--	--	--	--	--	--

張文襄公年譜卷一

門人沔陽胡 鈞重編

道光十七年 丁酉 西歷一八三七年

八月初三日公生於貴州興義府官舍

公一歲

公諱之洞字孝達號香濤督粵時號無競居士又別號壺公抱冰先世山西洪洞縣人明永樂二年遷山右民實畿輔始祖本自洪洞徙灤縣本子立立子端官南直隸繁昌縣荻港巡檢自灤縣徙天津府南皮縣東門之印子頭是爲東門張氏端子淮正德戊辰進士河南按察使以文章忠義有聲於時淮七傳至乃曾官山西孝義縣知縣徙居畢家塘顏所居曰孝義堂是爲公高祖曾祖怡熊字叶占浙江山陰縣知縣兩世爲縣令皆以廉惠聞祖廷琛字獻侯貢生四庫館膾錄議敘福建漳浦東場鹽大使題補古田縣知縣乾隆季年福建將軍魁綸興大獄閩中官吏繫獄者督撫藩臬道府十餘人廳

縣以下七十五人漳浦公以鹽場官署侯官縣又兼署近省某縣及省城首領佐貳等官凡緝九篆囚繫之官皆屬焉所以調護拯揀者甚至識者以爲有陰德其後必昌考鎮字又甫號春潭徙居城南三里雙廟村少孤食貧力學艱苦卓絕舉嘉慶十八年鄉試以大挑試令黔中補安化知縣署清平鎮遠威甯等州縣事治行稱最調貴筑遷古州同知署黎平遵義安順諸府事尋擢知興義府娶劉夫人布政司經歷滄州劉廷式女繼娶蔣夫人嘉慶乙丑進士嘉定知府盧龍蔣策女繼娶朱夫人嘉慶甲戌進士四川和州知州臨桂朱紹恩女本年朱夫人生公於興義府廨中

公行四兄弟六人

長兄之瀟字遠瀾次之清字仲穆次之淵字蓉江五弟之澄字小潭幼弟之涌字閏濤姊妹八人長適獻縣劉

拔貢肇鈞即公詩之劉伯洵次未詳三適定興鹿文端公傳霖四適慶雲崔氏五適南皮黑龍村劉氏七字許氏未嫁而壻卒守貞以終六八皆廢

道光二十年 庚子

西歷一八四〇年

四歲

朱太夫人卒太夫人善鼓琴遺琴二公既長對琴輒流涕贈公自朱夫人卒

後不復更娶命側室魏氏撫字之及公貴魏氏以覃恩累封夫人

道光二十一年

辛丑

西曆一八四一年

五歲

入塾從何養源先生受讀詳詢字義必索解乃止

道光二十二年

壬寅

西曆一八四二年

六歲

六月贈公丁蘇太夫人憂開知府缺

道光二十四年

甲辰

西曆一八四四年

八歲

九月贈公服闋復如貴州仍任興義府知府

道光二十五年

乙巳

西曆一八四五年

九歲

是歲讀四書五經畢公童時讀書非獲解不輟筆鏡思索每至夜分倦則伏案而睡既醒復思必得解乃已其後服官治文書往往達旦自言乃幼時讀書好夜坐思之故

道光二十六年

丙午

西曆一八四六年

十歲

讀九經畢學爲詩古文詞贈公訓子以儉約知禮爲宗過庭授學多乾嘉老輩緒言黔中僻遠難得書贈公竭俸金購書數十厨置諸子學舍令於日課之外聽以己意觀之大率史部朱子書及本朝說經之書爲多所親或諷曰若輩童年豈能解此贈公曰姑令縱觀不解無妨浸淫既多長大自能解又教諸子曰貧吾家風汝等當力學

道光二十七年 丁未 西曆一八四七年

十一歲

作詩文工力日進興義府教授敖君爲古風一篇贈公命和援筆立就

公在粵時

敖君之子持先集刻本來謁此詩附載集中公語左右云當時贈公見詩而喜樹酒命飲并獎硯一

道光二十八年 戊申 西曆一八四八年

十二歲

詩文爲塾師獎許父執亦歎異之乃裒爲一冊贈公寄示兄口於任所

按贈公兄

錯字鐵夫任縣教諭贈公寄兄云云公所自言而未舉其名故從闕得復以欵才勿露爲勗贈公肆其言加董

戒焉公終身誦之後焚少作略盡先後受業師可考者在十三歲以前有何

養源附生曾摺之名叙笏道光張蔚齋名國華附貢生貴西垣名貴乙附生黃升三名政鈞舉人南

州同王可貞名含章道光甲辰舉進士陳留知縣張肖巖名元弼嘉慶庚

午舉趙斗山名拔才嘉慶諸先生十四歲以後有丁誦孫名嘉傑武進人道

院侍童雲逵名暈道光癸巳進士袁燮堂名理附生洪次庚名調笙字南陔咸豐

諸先生其年月不可知而得力於丁先生最多又嘗從胡文忠公問業袁先

生公之姑夫也

道光二十九年 己酉 西曆一八四九年 十三歲

從韓果靖公受業興義府署韓公名超字萬仲直隸昌黎人道光甲午附貢

判需次貴州署獨山州篆時丁父憂贈公未幾韓公就胡文忠於黎平公回

籍就試時從父鉞字越山古田公兄廷雲晉州訓導即在署中度歲回籍道

乘小車行後督湖廣閱荆州萬城堤及安陸堤工指點村落謂此當日經行故道也

道光三十年 庚戌 西曆一八五〇年 十四歲



兄弟四人同應試公入縣學學政程侍郎廷桂深加器重期勉甚至試畢回

晉州

六月洪秀全起金田將窺黔邊贈公募義勇謹斥埃上書巡撫請用李化龍  
八道進兵之策不果行會督師林文忠公道卒寇益張有闌入南盤江者立  
擒燧之其黨數千人皆宵遁

咸豐元年 辛亥 西曆一八五一年 十五歲

是年當在晉州或原籍讀書不得其詳

咸豐二年 壬子 西曆一八五二年 十六歲

應順天鄉試中式第一名舉人 報至貴州胡文忠方在黃平軍中與贈公書云得令郎領解之信與南溪開口而笑者累

日南溪謂韓果靖公也

是科主試者尙書滿洲麟魁蕭山朱尙書鳳標旌德呂文節公賢基旌德呂  
氏家世傳經文節湛深經術公質疑請益所學益進是歲留京寓外家蔣氏

度歲

咸豐三年 癸丑 西曆一八五三年

十七歲

三月江寧不守畿輔戒嚴七月出都值霖雨兼旬自通州乘舟至東鹿賦詩紀行所爲詩入集自是年始八月弟小潭卒於貴州十月抵興義省贈公贈公出入險阻四年吳文節公文鎔督雲貴贈公上團練方略萬言文節大奇之署紙尾曰東南事一以委君旋以他人事望吏議文節與巡撫某再疏復公官權貴西道

咸豐四年 甲寅 西曆一八五四年

十八歲

遵義教匪楊鳳倡亂久不平其黨遠近應之連陷數縣進攻興義時郡兵調發略盡贈公鳩士民率僚屬以守而自以身當北門賊衝趣家人登樓厝薪曰城陷卽自焚公兄弟及姊夫鹿文端公皆登陴苦戰三晝夜不息賊縱火攻門城垂破贈公陰縋死士下城繞出賊後賊驚擾贈公猝出城令曰願擊

賊者從出城三十里次於普坪民爭趨赴數日衆至三萬下令寬脅從散去  
不問殺賊自歸者賞鄉團助戰者蠲本年租於是附賊者皆解體一戰破賊  
擒其魁冉秉成等斬之凡十二日境內悉平

是歲石夫人來歸夫人灤州人嘉慶癸酉拔貢都勻府知府石煦女生長貴  
州

咸豐五年 乙卯 西曆一八五五年

十九歲

侍贈公於軍中三月韓果靖提兵辦賊東經餘慶得復脩弟子禮楊鳳掠安  
順將薄興義境贈公以民兵三千越境渡花江迎擊走之使不得入粵邊鳳  
既滅會有苗匪之變贈公請以破鳳主客各軍討苗勿遣歸大府不聽未幾  
苗陷巖門廳下游大擾大府始大悔檄權貴東道扶病強起以新募五千人  
行連戰破之遣公北歸乃自瀘江入蜀雨中行棧道與伯仲叔三兄相遇除  
夕宿紫陌山留俟祠念去年此日身在圍城愴然有作

咸豐六年 丙辰 西曆一八五六年

二十歲

三月赴禮部試考取覺羅官學教習

賊公屢破賊衆省會解嚴數請進兵而總督某自滇至有所欲不愜撓其權  
權既奪他軍遂不能用所部餉又不時給贈公盡質衣物以哺軍士皆感泣  
久之得餉遂進兵以次攻克茶山湘子峒夔朗諸賊巢雨濕風厲加以憂勞  
益甚病遂不起時七月二十四日也年六十有四後七日都勻城陷代理都  
勻知府石公均原任都勻府知府鹿壯節公丕宗暨夫人蕭氏俱殉難石公  
石夫人之兄鹿公文端父也

咸豐七年 丁巳 西曆一八五七年

二十一歲

在籍守制兄仲穆奉贈公喪自貴州歸是歲口月卜葬於雙廟新阡劉夫人

蔣夫人朱夫人皆合祔

仲穆先生撰贈公行狀錄於下中憲大夫署貴州  
貴東兵備道又甫府君行狀 府君姓張氏諱鎮

字又甫一字春潭南皮人乾隆五十八年四月丁丑生偉軀幹大聲廣額  
神采英毅由縣學生中式嘉慶十八年舉人六會試不第大擲知縣如貴

州語輒屈其曹人曰君嘗爲吏耶何吏事之習也買銅通判某死雲南莫敢代大吏固心諱府君曰昨來張某賢往必辦乃奉檄如雲南買銅旣還署清平鎮遠縣威寧州事授安化縣知縣大吏稱之曰能調貴筑升古州同知吏部引見宣宗皇帝特召對非著令也由同知署黎平府事布政使李公象鵬言於巡撫曰遵義斯變遣孽未靖即欲治之非張某無可任乃公遵義又署安順升興義知府皆吏既聞府君廉而嚴於奸蠹也多納牒去到官或詐財殺人立杖斃之境內肅然未盡一歲以繼母蘇太恭人喪罷去除喪復如貴州于是再治興義者十年廣西之發難也道光三十年實始之府君曰禍將作矣乃上書巡撫曰廣西羣盜轉寇州縣盜竊名宇已逾時日常事狃于近日湖南季沅發雲南鄒渡諸賊之不旋踵而就滅亡也謂此井幹跳梁不克爲國家憂某竊以爲過矣沅發輩崛起且莫烏合易離非有養癰釀亂如廣西者也廣西北年賊部滋多殺越橫行特長吏不以上聞耳其人類橫悍亡命精火器習標牌騰蹕如獲狴加以彼地山林巖蒼洞道狹惡彼利我害欲以折箠答之妄冀消滅不亦誣乎古之善用兵者有拙而速無巧而久王翦傾天下全力以取吳彼豈不欲調發世請發四萬人以擊多姐旁種羊祐合天下全力以取吳彼豈不欲調發少經費省成功速哉勢不可也夫少發師而曠日與一舉而疾決利害相萬理亦至明方今鄰廣西諸省嘖嘖議防此尤失策之甚者也廣西幅員圍徑數千里與鄰者四省共四達之衢及關梁阨塞常防者何止數百所所以百人計之則是須三四萬人其間斥堠間邏卒亦不下萬人夫養百斷然百餘人有委而走耳孫子曰守則不足攻則有餘虛象鼻亦曰有戰法無守法有罰無法無堵法凡謂與其老師費財以待不可知之賊何若一鼓作氣而弭至無已之患以某策之計惟有大發兵討賊而以攻爲守明

公誠能上聞天子與師及鄰西諸省督撫約用十圍五攻之法貴州  
 兵一自興義入泗城一自都勻入河池雲南兵自思恩入湖南兵自全州  
 入廣東以舟師派江而上戰於潯梧之間數道並舉四面撓之本省堅壁  
 清野絕其鈔掠督師因利乘便懸樓而動所用不過五萬人足以辦此彼  
 所備皆急十分為十資糧乏絕獸駭鳥散雖有智者不知為賊計矣并為  
 圖說上之巡撫覽書不省又欲上之林文忠公會文忠道卒賊遂橫侵略  
 思恩泗城西隆府于府州縣官軍賊聲言且莫渡南盤江將取貞  
 豐州貴州大震府君是覈比保刺殺勇練牙兵致奇士用因問帶江五  
 百里烽墩和望請經費身任之不引一兵官一錢巡撫乃喜許防邊事便  
 宜施行賊游騎四十人劫我境內擒之悉杖折脛有死者于是賊在河口  
 者數千人一昔遠遁巡撫不敢命醫藥療諸賊又曰厲兵秣馬請絕  
 江與之戰巡撫亟止之常是時府君聞名境外明年吳文節公文銘來總  
 督雲貴以猛開縣道受署唯謹檄讓府君與義常防事不以上聞何也  
 凡曰知興義縣胡霖澗劣其糾劾以聞覆上書曰胡某力能禦侮某倚如  
 左度明公亦知之矣若潛告以街功知府不為也因上國練及防寇方略  
 萬餘言文節大書牘尾曰東南半壁本部堂高枕無憂矣胡後果以戰功  
 顯云府君尋以他人事坐免文節怒移書讓貴州兩司同巡撫疏辯之再  
 得白復原官兼貴西兵備道雲南回部反濱貴西道轄乃出私錢募士遣  
 官領之會戰東川府城下馳謁總督某于軍陳方略用其策平東川事聞  
 加道銜苗疆俸滿再加道銜舉通省卓異旨加一級在任候升先是大吏  
 以軍餉咨府君請發常平倉穀當不足其法通省及是貴州益貧復應  
 問呈四事裁馬兵停世俸輓運行鈔願先諸府行鈔署布政使某寢其  
 議以出入無贏故也遵義楊鳳反總兵將安義鎮兵盡行安南普安兩縣

羣不逞涂令傅王伯當冉乘中李應龍李林春等與鳳通令恆伯當並受  
偽爵王轍書天波佛主天波者楊鳳也焚巴林汎入新城陷安南普安兩  
縣變上府君吐之曰城未必陷即陷死職也胡爲效兒女子哭泣身當北  
訣且泣府君吐之曰城未必陷即陷死職也胡爲效兒女子哭泣身當北  
門衝以發屬守其餘四門積薪樓下謂家人城陷即自焚使不孝等從乘  
城日中至于哺賊之火器聲不絕城中屋瓦盡震敵樓碎其半府君據胡  
牀指揮擊賊一人立坐後拔佩刀將犯府君忽殺其衣左右多中礮石  
磨蓋登萬壽山發巨礮擊中府君鉛丸及臍而墜焦其衣左右多中礮石  
顛不孝等更諫請避其鋒府君不可士民爭以身翼蔽府君且入攻益  
急令城上人兩番休賊斧門矢石銃礮不能及命入沸油粥內自門上沃  
之死于門中又人持一把茅負尸而前時發火火光照城中如白日守  
陣皆哭亟爲火球殺其人且盡且穴門出火器擊之多殪皆驚走賊盡攻  
不交之術城上人疲賊亦疲募死士出突門製其營斬首百餘級乃退府君  
病既退賊自歸者論功令下十日不降悉斬勿赦賊眾相告語悉辟去廉  
無究殺賊自歸者論功令下十日不降悉斬勿赦賊眾相告語悉辟去廉  
知僞官彭永興故不反質其子而招之降且及李春芳趙清明輩皆報曰  
顯效死常是時遊義賊氛甚惡全省兵饑專力東垂興義警報至省大吏  
失色卒無可發令安邑鎮兵四百還自救未至新府君自將三百人擊  
伯常凡諸渠率十五人首舉城反正官兵至不敢出府君自將三百人擊  
賊已出城中人覺士民數輩及之扣馬曰城安危以公奈何軍行三十里  
應之去兵將聞之大駭自執兵仗跟蹤走出及于普圩之市軍行三十里  
團練來會者五千至七十里益二萬百里三萬所至破滅爭持其魁頭降  
悉擒乘中應龍林春誅之俾別將會團練平安南普安援真豐定回龍廠降

軍無留賊者凡十二日境內悉平時咸豐五年十二月朔也初府君榜示團  
 練能殺賊不以平勸吾百姓即平賊與苦則大服奏上天子嘉之以道員用賜  
 也今賊不以平勸吾百姓即平賊與苦則大服奏上天子嘉之以道員用賜  
 之惠而三未兩月而有擊之頂營長官司大破走之順賊帥伍二又數敗之  
 孔雀翎千人北擊鳳之要之官司大破走之順賊帥伍二又數敗之  
 鳳南巡撫慮失之于南首江廣西也幾渡及之則北走逕羅斛城南  
 出共南鳳東至歸化南首江廣西也幾渡及之則北走逕羅斛城南  
 又東抵獨山州西又北逕都勻府東又北圍麻哈州一昔去循貴州邊地  
 行千餘里府君攝之六十日不頓舍戰數十合戎馬之問勞瘁無極矣竟  
 不使一賊入廣西鳳擒罷軍還省不言叙敘亦非及病甚解府事之日即  
 乞休巡撫不許苗民反上遊攻陷城寨府君曰吾不可以去矣方苗初  
 畔請及其龍以破楊鳳勝兵起省之巡撫不聽四川雲南及本省兵悉能既  
 而都勻圍急龍里貴定邪教起省之巡撫不聽四川雲南及本省兵悉能既  
 張起府君病益甚動履幾廢人以實辭檢言曰若張公督師常輸家之半助  
 和之要府君於私第江商廢人某揚言曰若張公督師常輸家之半助  
 軍不求費乃奮然詣巡撫曰某老病衰困又審才弱敵疆重遠明公及士  
 民意有兵五千人募者稱是饑十萬兩賞罰進退專之請行巡撫唯越  
 數日檄府君督下游師假大令主客官兵在事文武同受節度眾悅曰賊  
 聞公出已卻數十里減不遠矣一人曰部院兩司不行乃令公往公聞官  
 也大令徒具文耳卒不練兵無見糧事權中御出省門一步成約俱變  
 欲戰不可欲退不能吾為公懼哉不答當是時龍里貴定兩縣大亂賊且  
 二十萬巡撫且夕上欲戰請以形制養我朝不許府君初受事檄軍下龍貴州一縣  
 圖壽山川道里以上欲戰請以形制養我朝不許府君初受事檄軍下龍貴州一縣



軍軍奮縣前奇兵出貴定而南彼必盡力教小場而不虞奇兵之拊其背  
 則都勻之圍解取張廣泗故道出諸萬營難尾掘斜走丹江都江爲批亢  
 擣虛之勢卒掩台拱以春賊心我擊其外則下游平府君之志也破之必矣  
 賊巢既覆然後回軍席捲鎮遠清平黃平則下府君之志也破之必矣  
 令既迫不得如所計畫乃倉卒誓師以新募五千入賊第一險也令從孫  
 家事叱之退明日大破賊于雷打橋粟木項九者入賊第一險也令從孫  
 桐將攻之不利怒與契箭一曰栗木項九者入賊第一險也令從孫  
 犯矢石先登下之賊氣奪在百里者悉宵遁而前軍奮縣賊塞弁而  
 戰以三壘陳擾之大勝遂奪尖山營而趨貴定賊壘空巢決戰數萬人歷  
 墨而陳兩石營內我師在者裁千人府君身督戰縱六百人擊之大戰竟  
 日遂破賊明日賊益令府君還去省八十里而軍分兵壁高坡烏維關檢  
 省城矣巡撫大怒急令府君還去省八十里而軍分兵壁高坡烏維關檢  
 賊時一爰其家什九亡聞大軍遂已破賊稍集府君乃稱曰用圍練有習  
 便焉一爰其家什九亡聞大軍遂已破賊稍集府君乃稱曰用圍練有習  
 四不仰給於官則安集流徙招納群附懷以恩信教以圍練兩月兩縣及  
 平越幾安諸州縣圍練成府君居龍頭營四面御之一路出擺耳一路出  
 清水江路出羅紅江北一路出小場一路出東山坪一路出鐵廠堡一路出  
 扛度一路出羅紅江北一路出小場一路出東山坪一路出鐵廠堡一路出  
 大方以誤之團練官軍相爲奇正且耕且戰且招且鎮更令曰百姓能游  
 大義盡穀兩縣賊其如與義已事復今年租賦假鎮遠人知縣周佩濂游  
 割數十道使徇鎮遠以南下游響應明年暑貴東兵備道事使壯士包興  
 說降清江水賊龍丹三悉降其眾知府某欲攘爲已功即與之賊之要害  
 解曰嚴商旅廣至省會士大夫便忘寇患居者八千人賊聞之跳走于遙制之郊

勢三省兵會者三千弱將驍卒惰爲權輕不得用再請進兵巡撫不許府  
 君曰是偏裨我也抱關而不戰何師之督屬能久不給牒布政司求之  
 署布政使奉總督命不與乃賀衣得六百金以贖軍府君與士卒同滋味  
 共安危卑處穀食夜不脫冠帶弔死問疾如父子然令嚴而不苛軍親而  
 不玩居久之巡撫聽進兵乃復進七十里軍前所軍舊縣拔月亮洞夷茶  
 山鈔湘子洞墮湖廣柵進逼壘朗賊悉精銳以拒無何團練破甕朗虜僞  
 太子王登元其帥楊重妹悉其僭擬法物甲仗糧糧馬牛貨財以獻兩縣  
 平府君督師三百日大小百戰毀賊巢百數徇下賊柵千俘馘數萬練鄉  
 兵十餘萬卻賊四百里拔難民丁口無算會團練已由間道破都勻圍攻  
 邦木賊未下而總督某來貴州大言曰張某老矣都勻圍解下遊且無事  
 奪禽登元功界所私者趣罷府君兵巡撫意有不與而不能爭也不得已  
 檄府君曰其往撫銅仁以南鎮遠以東反側之未安者兩縣百姓翻巡撫  
 乞留不得已巡撫允之然府君病革不可留是役也身歷三時迭嬰寒暑  
 風日瘴癘區畫戰守補苴軍食慮已甚重以常路食言諱人媒孽憤己志  
 不得仲盡發與彰城守及帥擊揚鳳所得疾並請乃得遠就醫上天不  
 弔奄降凶禍以威豐六年七月庚辰終于貴州省東南隅之私第春秋六  
 十有四距還裁二十日嗚呼哀哉卒之日圍練乃無門志不三月都勻所  
 拱古州清江黃平施秉清平凱里勝乘九城不守百姓思之至今府君所  
 至豪滑馴聽請絕盜賊相弔城郭完獄空廩實孤幼得所善決疑獄而性  
 愈勤事無小牒尾未嘗不親書判不踰時不暇手幕客中夜以獄上未嘗  
 不立起按驗也知興義時立十八先生祠堂置守者以奉祀十八人事在  
 明史吳貞毓傳中治境內道路五百餘里南達廣西百色東迄迺龍廠治  
 招公隄元二百丈出俸錢率士民建試院以其贏爲義學卷田實與公車  
 諸色目使府人自束髮受書以至成進士不用一錢脩珠泉書院爲本錢

廩米教督以時孤寒儒生樂得提倡日蒸蒸矣始府君知清平亦建書院人誦之故事屬吏上謁公議有閣錢難賜歲時吉事有賀誕有壽所在裁罷上官雅敬憚之屬吏加愛焉嘗勅一吏曰其人固挾持一省短長以善噉能惴恐巡撫以下官十年曠者學政案與義備從索供顧張甚經歷致漏規少之給門者曰此張公餽也學政聞之命勿敢爭並載其下爲知府嘗御一數珠良布政使欲之明日更一具以見後御一鈎良布政使又欲之退而解以贈焉或以前事請曰司道同列餽之無害鄉爲屬吏嫌於貨故不取也故巡撫松公筠總督吳文節公文鎔貴西道田公潤並當世所病其峻潔精明不可干以私而不樂爲其屬官而三公獨義府君人祠府君于興義試院謝之不得則去其主及去官父老祖于郊有泣下者府君曰予家世清白吏及予少長家益貧自刻苦讀書厄於凍餒者數矣嘗寄京師侍講學士彭公後無意見予文字兩賞歎予館于幸舍而私予予爲食飢驅走河南北江河海縋間者十三年于懼汝輩藉席餘僅不知汝所遭遇之艱難也又曰汝輩當力學問樹功名慎勿爲田舍翁所爲予之所深惡也不孝等泣志之不敢忘然而愛人喜施都計兄弟子姪宗族鄉黨瓜葛交游寒士故人子食其德者無慮數百家不能具書故在官三十年而家常貧聞之諸父兄鄉先生曰乃大人生四年失乃祖妣王太恭人十年二年失乃祖乃大人實能事乃繼祖妣太恭人以孝聞又能友乃世父叔父視乃從兄乃從安溪縣如子既貴釀金營廟募田娶祀脩族譜乃族祖諱瀚知福建安溪縣坐用官錢免家人欲贖之還而難所遺乃大人爲持數千金走五千里載與俱歸乃大人亡張氏老成殆盡矣府君好客善騎射好讀書觀大略旁精勾股訣日者青烏諸家言撰與義府志六十年卷欲寡過軒詩一卷雜文若干安南發難之歲書自誤年譜中作而輟明年又作之省城以督師故竟不果成漳浦公生三子長諱鏡厚公任縣

教諭卒官季名斌公今知四川閬中縣府君其仲也元配劉恭人布政司  
 理問諱廷斌公女繼蔣恭人四川嘉定府知府諱策公女繼朱恭人四川  
 候補知府名紹恩公女皆先府君終子男不孝等六人之濤縣學生之清  
 縣學生為從父諱洵公後之濤縣學生侯選主事之洞舉人覺羅官學教  
 習之澄候選府經歷先卒之浦幼女子八人長歸獻縣劉肇均次歸  
 定興縣鹿傳霖次字慶雲縣道銘善次字同縣劉書瀛次字滄州王口口  
 次字甯河縣許口口次未字女孫二今茲卜于咸豐七年口口口口口口  
 于南皮縣城西南三里雙廟新阡與三恭人合諸墓敬即見聞所逮狀其  
 萬一府君嘗曰予生平行事為不使汝輩作行狀時下筆少有疑難耳遺  
 言在耳祇益隱痛伏冀有違君子為之表志俾垂不朽無任稽顙惶恐感  
 激涕零之至

咸豐八年 戊午 西曆一八五八年

二十二歲

在籍守制十月服除

咸豐九年 己未 西曆一八五九年

二十三歲

二月將赴會試以族兄文達公之萬為同考官循例迴避

文達與公同出四世祖准公後長公

二十歲在籍辦清平團練凡二十餘村有團練規約秋日集親朋賦詩賞菊口

月入京

咸豐十年 庚申 西曆一八六〇年

二十四歲

三月恩科會試文達公為同考官仍迴避不赴試是月出都以詩別陸眉生

給諫詩見本集按陸名乘樞桐鄉人公會代給諫草奏荷旨獎問故詩有馬周慙愧負常何之句

六月子權生原名仁權家譜名也按公家譜世次下輩為仁厚遵家法

八月英法兵陷京師文宗北狩熱河公感憤時事作海水詩見本集

秋冬間至濟南入中丞文煜幕府即在濟度歲按公在濟南作詩甚多

咸豐十一年 辛酉 西曆一八六一年 二十五歲

濟南卑濕苦患脚氣三月回籍留數日赴任邱為獻縣劉仙石先生名書年貴陽知

府公姊夫伯洵拔貢之父教其仲子時同邑季藝堂太史名崇文咸豐庚申進士官至庶子方在勝保軍

中因以公薦邵之公致藝堂書云到此後日與伯洵閉戶讀書研究古今王伯得失之要此心稍有寧靜氣象又云旅進旅退於載門

之下將焉用之致一無用少年而使足下有過舉之名弟不為也按南皮縣志言藝堂才器過人其讀書經史而外凡天文地理兵書壬遁以及各

國語言文字無不窮究與公最友善朝夕過從蓋公是詩方講求兵事晝讀晝夜觀星象至于嘔血故與藝堂相契

同治元年 壬戌 西曆一八六二年

二十六歲

正月入都三月應會試同考官范鶴生先生名鳴蘇湖北武昌縣人時官內閣中書得卷亟薦

之額溢被落力爭不得挑取謄錄第三名先生憤悒泣下更爲延舉翁文恭日記云

見范鶴生處一卷二場沈博絕麗三場鏃微博引其文直史漢之遺余決爲張香濤卷在鄭小山處竟未獲雋令人扼腕鶴生爲之竟夕永歎欲以

本房他卷易爲監臨所阻

公生長兵間好閱兵家言及掌故經濟之書慨然有經世志是 毛文達公

起熙方以副憲在河南本籍督辦團練幫辦剿匪事宜陸眉生給諫居母喪

文達奏請派赴河南襄辦軍務奉旨允准給諫與公有通家之好約公偕行

五月出都道彰德經開封行二十五日抵歸德營次先是張勤果公囑以布

政使率師在豫南剿賊欲致公於幕下公至開封屬從子桐字雨翠河南通判後累官至齊

東秦武 臨道 作書婉謝

七月陸給諫卒於軍家貧不能歸葬毛文達經紀其喪公有力焉事畢欲行

文達固留延致幕府八月文達回駐省城九月族兄文達公按事河南十一

月署理巡撫公人巡撫署爲文達草疏言事疏入兩宮皇太后動容嘉歎史

張之真傳之禹署河南巡撫甫視事疏請釐定折漕有旨嘉其直陳漕弊不避嫌怨飭部施行按公所具草當卽此疏又公嘗爲文達草奏言某事得失文達笑而置之曰曩甚佳留待老弟任封疆入武進劉申孫申受先告未晚也此與下訪劉申孫條皆幕府趙鳳昌所說

生逢祿之孫也僑居豫省外縣因往訪之兩日乃達叩家學淵源甚悉

贈公之沒於王事也總督某有憐於平時不以人告至是韓果靖公爲貴州

巡撫公上書請照軍營病故例奏請賜卹其略曰咸豐乙卯秋冬之間貴州

昨苗讜起都勻麻哈貴定以下諸郡縣咸被攻圍警報狎至巡撫蔣君強起

先君於家使率師辦賊先君子以在興義城守勞瘁成疾固辭不獲扶病視

事當是時賊去省會數十里新募之兵才萬五千人自出省門步步荆棘轉

戰而前身在行間者二百餘日大小數十百戰殺賊萬計一定清水之亂一

擒賊渠楊崇妹兩解貴定之圍至於蒙犯霜露絕甘分少自同將校有少壯

之所不能堪者度支懸罄不能給饗自質服御百物以給軍實以次安輯流  
亡鳩集團練爲我殺賊不用官錢至丙辰七月迭覆賊巢遂達都勻城下徒  
以當路掣肘搯扼懷鬱發憤歐血而且日夜坐臥一帳寒暑蒸濕勞苦過差  
遂成沈痼此當日三軍之所共見士民之所周知故總督某怒其方正誣以  
無功能歸省城其時病已危篤至省八日而卒此而謂之沒於王事夫復何  
疑而總督行其己私不以入告於是先君子拳拳憂國之苦心冒死百戰之  
成勞闕然而就漸滅矣是年七月巡撫以先君子題補貴東道有旨令總督  
查明覆奏於是飾詞上聞更以他人題補其覆奏有云節節退守始退至龍  
頭營又退至舊縣而且年近七旬等語時先君子年止六十四耳夫由貴定  
退劄至龍頭營乃巡撫恐賊從他道入犯飛檄調還令駐其地以扼省城門  
戶非擅退也若謂又退至舊縣則更妄矣龍頭營去省六十里舊縣去省百  
餘里誰不知之在先君子賚志以終補缺與否何足損益惟血戰效命以死



而反蒙敗北畏蕙之聲如此沈寃其誰甘之伏維吾師託志忠雅勇於爲義  
偷蒙博采輿論以疏上聞請照軍營病故例賜卹俾地下之靈藉以不朽則  
之洞兄弟等沒齒糜頂豈敢忘德味死呼籲惟吾師可否之

同治二年 癸亥 西曆一八六三年

二十七歲

韓果靖公以贈公死事狀上聞優旨賜卹追贈太僕寺卿銜蔭子之涌以州  
判注選二月入都三月會試四月初九日榜發中式第一百四十一名貢士

仍出同考官范鶴生先生門下先生喜而賦詩有再到居然爲十四日正大  
此人之句公以詩謝均見本集

光明殿覆試列一等第一名二十一日廷試對策指陳時政不襲故常行墨

程式載本集卷二百十二閱卷大臣皆不悅議置二甲末文靖公寶鑿時以大學士爲

閱卷大臣獨激賞之以爲奇才拔置二甲第一試卷進呈兩宮皇太后拔置

一甲第三二十四日臚唱賜進士及第二十五日謝恩二十八日朝考列一

等第二名五月初八日引見授職翰林院編修公自應小考鄉會試至殿廷  
諸試不攜片紙隻字所刊鄉